

興京縣志第九卷 宗教

目次

佛教

道教

耶穌教

天主教

回教

理教

興京縣志

卷九宗教

二十九

奉天太古山房刷印

伊昔神道設教意以彰良禪惡福善禍淫者也若夫爲教雖有多神一神之歧乃至垂經訓世藥果明因其所以繫民心揚物化者與政治并功則聖人用心謂非良苦是以更千百載信億兆人雖哲人達士而不能易者非以其有補於世乎方今物質競鬪道德鬚髮總總人心橫飛海水其所需於宗教以矯振之者愈殷有能分條抒理廣彼前聞載僞續眞開茲後學者其益世不爲驅獸治水後志宗教

佛教

佛教之入中國也自漢始其入遼東也自魏始其入縣境之始也不可不知以荒寺之存碑碣者攷之當在清初漢之時佛徒東

來止於鴻臚寺故名其後所居曰寺魏晉之際高句麗聘西僧宏通釋典故入遼東自是以後緇流之跡漸及東土之東而皆年時荒遂掌故難收清興而後頗建寺宇以老城之地藏寺爲皇寺初由禮部派僧綱一人住持之香火最繁領袖沙門其後有周僧者不知其何許人卓錫於下夾河之後山石洞遁跡空虛不食人間烟火飛升以去其餘披剃之流多以稚年病苦父母出之爲僧以免其災而其相聚爲徒者半皆失業之輩以禪林爲餬口之叢掃地焚香浮沈終老其如於內典能潛心覃研者不可見矣今邑內有佛寺三十所僧徒六十八人云

道教

遼東道流自令威化鶴以還有白雲長春真人者生於南宋幼師王重陽得道元祖聘之時征西域真人以殺爲戒元祖是之師而不臣從者十八人四方佈教號龍門派以後其宗遂衍於遼海以東而境內道教遠遜佛教其居男徒曰觀女子入道曰女冠曰尼其居曰菴其有室家者曰火居道以陰陽符呪誦誦爲事皇寺村蔣魏韓各姓今尙有之即番禺雜俎之所謂火宅道也或謂其派衍張道陵曰正乙境內有道觀二十所南鄙有尼庵一所其徒男道七十七女尼一人云

耶穌教

耶穌教基督教也基督教之新教也出於天主經馬丁路德之

改革因立異號故亦曰基督教實與梵教之南頓北漸無以殊也清季漸暨我國北方而衍遼東特晚其教以上帝爲千古不泯之天神萬民無非其兒子崇拜之禱念之若謂人生動息食飲服御交際往還無不有上帝在其側者故其徒博愛慈善無忤無爭二十年前風靡封境彼以時勢關係弱者庇以有所抗黠者藉以有所圖於是鄉曲細民搢紳大客雲集景從競相皈嚮境內教堂致有十處之多信徒不下千百之衆其於宗教知識蔑如也我國信教自由數千年來一以人民知識立意義爲向政府曾不少戾彼奪於人者遂以我之爲迷信則大非矣嘗謂教本無靈唯心所召心如結晶燭物無遺而後神若有靈若

其爲用必因向而往軌納衆情而後政俗俱資裨益有互助之精神無主奴之出入其庶幾矣而今境內教堂有四爲禮拜之所縣街一處永陵旺清門都都伙洛各一處教徒男九百五十五人女四百一十四人云

天主教

天主教又名舊教以耶穌新教所從出也攷自明太監鄭和通西洋隨入中國大學士徐光啓奉之後漸流行清光緒初以法國宣傳東暨遼海其季迺入縣境教首同於基督崇上帝闢多神信靈魂斥俑塑惟神權嚴重尠平等自由之習較遜新教竊謂一教之創厥源必微當人民知識榛莠未啓之時獷悍頑鈍

輸灌維艱所以擴而充之推而遠之者必資於力與勢餽之以爲利餌之以爲誘所以別乎尊卑以示其權者易以導其徒也則是宗教也而其階級方今政治準於羣情而司鐸之流仍持其莊嚴肅厲之儀虛無縹渺之愒而無精諦眞詮以示乎衆宜其不振也屬境該教傳入二十餘載初以柔弱之徒資於宗教勢力之故尙形踴躍其間創於忠義軍僇徒燬宇嘆爲浩劫丁男妙女多歿於燹雖大道不恤於魔而摧殘軋轢上帝無靈則宗教爲用籠納人心而已其無裨於實也今者縣城教堂一所以供膜拜教徒約七百餘人蓋新教止信其人而該教則兼信其家故其徒視新教之多寡尙無霄壤之別

回教

滿洲志云回教自唐宋以後始入中國東部初回鶻摩罕默德隨波期胡來中國探三教異同歸而著書創教有阿拉伯地以神權政治立國號元首爲大教師其教一曰天方教一曰清真教惟拜上帝不主事多神及拜偶備其意以上帝爲造物以爲神之可尊者莫造物若是善知識者其教師曰阿訇其徒相呼曰把其教長在本部率兼政權其經典有托賴經可蘭經加塞教典其俗婚喪諸禮皆由教長主之儼然官吏其飲食反芻之獸具蹠之禽俱食以其潔也教民以經典法律使之輕死生習營業其長也邑內有回教堂曰禮拜寺流寓回民以牧畜屠沽

爲事婚姻非其黨不與平居赭楮書回文顏其戶主麻之日教徒相約會聚誦禱而不號召宗教全境共有回民男十三人女六人云

理教

理教以南海聖宗佛爲皈並祀開山羊祖及董尹諸先師其旨唯戒烟酒而不齋沐浴謂在理當事者不居宗教而曰善門顧其假托神道籠絡人心則不能外焉其長曰領正隨地筮日而行禮拜信徒羅拜曰求順釀食而散其徒專事飲茶聚會以飲量相矜詡蓋爲領正則必能飲茶水至數升焉縣街有慧善公所白一清主其教縣境及其門者爲數不下千人其負籠托鉢

走以傳道者亦實繁有徒云